

Date – 21/05/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

- 1. Mizoram chu ziak leh chhiar thiam vekna state-ah puan a ni a, ramchhung chanchina ziak leh chhiar thiam vek awmna state awmchhun leh a hmasaber a ni.
- 2. Union Minister of State, Skill Development & Entrepreneurship changtu Pu Jayant Chaudhary an hmarchhak bial chu ramchhunga hmeichhiate hmasawn bultanna tur a ni a ti.
- 3. Prime Minister Narendra Modia chuan health sector lama India tihdan tha leh thiamna te chu khawvel ramdangte zirtir chhawn a inpeih reng tih a sawi.
- 4. Operation Sindoor tlangau puia ram hrang hranga palai turte chuan vawiin atangin an hna an tan dawn.



MIZORAM DECLARED FULLY LITERATE STATE

Mizoram chu ziak leh chhiar thiam vekna state-ah puan a ni a, ramchhung chanchina ziak leh chhiar thiam vek awmna state awmchhun leh a hmasaber a ni.

He thu hi Chief Minister Pu Lalduhoman nimin tlai khan Mizoram University ah a puang a, Union Minister of State Education Pu Jayant Chaudhary bakah sorkar laipui leh state mipawimawh thahnem tak hmaah a puang a ni.

Chief Minister Pu Lalduhoma chuan ULLAS - Nav Bharat Saksharta Karyakram (NILP) hnuaiah Mizoram chu India chanchina ram puma ziak leh chhiar thiam vek state hmasa bera puan a ni chu a chhuang hle tih a sawi a. Mizoram kil tin leh chhungkaw tinah te ziak leh chhiar thiamna bakah zirna leh thiamna kalpui zel turin hma an la dawn a ti. Ziak leh chhiar thiam lo te chuan hriselna leh khawsakphungah te thutlukna mumal tak siam an harsat a, hei hian retheih lehzualna te a thlen thei a ni a ti a, ziak leh chhiar thiamna chuan ram inrelbawlina leh khawtlang nun siamthat kawngah te a thawh hlawk hle a, chakna petu pawimawh tak a ni a ti.

Union Minister of State Jayant Chaudhary-a chuan India-in zalenna a chan atanga chhutin Mizoramin ram puma ziak leh chhiar thiam vekna state hmasa ber

nihna dinhmun a chelh chu hlawhtlinna ropui tak a ni a ti a. Ziak leh chhiar thiam chu Saptawng emaw Hindi emaw thiam tihna nilovin mahni tawnga ziak leh chhiar thiam tihna a ni a, India in ziak leh chhiar thiam (literacy)a hrilh fiah dan chu khawvel pum pawhin a pawmpui tawh a ni a ti.

Union Minister chuan thiamna chu khawvela thil ti thei ber a ni a, Mizoramin vawiina ziak leh chhiar thiam vekna state hmasa ber ni tura a lo beihna leh a paltlang tawh zawng zawng te chu a ropui hle a ni a ti.

Sorkar laipuia Ministry of Education hnuaia Understanding Lifelong Learning for All in Society (ULLAS) hnuaia Ziak leh chhiar thiam vekna state ni tur hian state chhung mipui awm zat atanga teha ziak leh chhiar thiam zat chu zaa 95 aia tam nih a ngai a, he tehfung atang hian Mizorama ziak leh chhiar thiam zat chu Periodic Labour Force Survey (PLFS 2023-2024) ah zaa 98.2 a ni ta a. Tun hnaia ULLAS hmalaknaa ziak leh chhiar thiam an lo pun tak avangin ULLAS tehfung atangin Mizoram chu ziak leh chhiar thiam vekna state tia puan theih a lo ni ta a ni.

Ziak leh chhiar thiam vekna state ni tur hian School Education Department-a Samagra Shiksha enkawl, ULLAS hnuaiah Nav Bharat Saksharta Karyakram (New India Literacy programme) tihhlawhtlin hna thawh a ni a. Governing Council leh Executive Committee of State Literacy Mission Authority din a ni a, Mizoram sorkar chuan State Project Office Samagra Shiksha Mizoram chu he Programme tihhlawhtling tura thawktu ah a ruat a ni. State Literacy Mission Authority tanpuitu atan State Centre for Literacy(SCL) din a ni a, SCERT kutah dah a ni.

<><><>

GOVERNOR

Larsap General (Rtd) Vijay Kumar Singh-a'n sawrkarin mitin huapzo zirna a kalpui mek hnuaiah zirna tibahlah thei chi a awm loh na tura hmalak a nih thu sawi.

Mizorama bengngawng leh ri hriatna tha lote tana zirna in awmchhun, Ephatha Special School for the Deaf and Hard of Hearing din champhaphak vawi 9-na nimina a hmanpui na ah he thu hi sawiin Larsap chuan zirtirtute chu classroom-ah thiamna, dawhtheihna leh ngilneihna an lantir bakah naupangte inrintawkna leh hlimna an pe a ti a, an theihna inthup an haichhuah sak thin chu lawmawm atih thu sawiin thawktute leh nu leh pa te inpekna leh rawngbawlina ngaihhlutawm tak chu a chhuang hle tih sawiin, bengngawng leh ri hriatna tha lote puala Mizorama school awmchhun chu Mizoram tana meichher chhawmnungtu leh, hmangaihna leh thawhrimna hmanga hlawhtlinna a hmuh theih a ni tih lantirtu a nih thu a sawi bawk.

Larsap chuan vohbik naupangte enkawl kawngah inchhung khura inenkawlnain awmze thui tak a nei tih sawiin, hmangaihna leh an laka beiseina chuan naupangte chakna pein harsatna paltlangin an duhthusam an thleng thei thin a ni, a ti a. Nu leh pate chu fate hmalam hun atana mi pawimawh bik an nih angin zirna tha an dawn theih nana theihtawp chhuah turin a chah a. Sawrkarin mitin huapzo zirna a kalpui mek hnuaiah zirna tibahlah thei ang chi reng reng a awm loh nana hmalak a nih thu sawiin, hemi kawnga Ephatha Special School for the Deaf and Hard of Hearing hmalakna chu mitin huapzo zirna a taka tichiangtu a ni, a ti.



UNION MINISTER

Union Minister of State, Skill Development & Entrepreneurship changtu Pu Jayant Chaudhary an hmarchhak bial chu ramchhunga hmeichhiate hmasawn bultanna tur a ni a ti.

Ministry of Skill Development & Entrepreneurship hmalakna hnuaia Hmarchhak state hrang hranga hmasawnna tura chhawpchhuah Advancing Apprenticeship in the Northeast Region puala nimina Aizawla ATI Auditorium-a hun buatsaih a hmanpui na ah he thu hi sawiin Union Minister chuan India in kum 2047-a ram hmasawn a nih tumna kawng a zawh mekah hmarchhak bial chu hmasawnna tel ve turin theihtawp chhuah an ngai tih a sawi a, vawiina an hmalakna avangin hmarchhak biala thalai tam tak ten hlawkna an hmu thei dawn tih sawiin sawrkar laipui hmalakna tih hlawhtlinna pawimawh tak a ni tih a sawi.

Minister chuan ramchhung hmun kilkhawr thlenga hmasawnna thleng phak hmalakna neih a pawimawh thu a sawi a, Kutkawih eizawnna chu thalai te leh mipui a tam thei ang berin an chhawr theih nan chhawpcchhuah an tum tih sawiin hmeichhe dinhmun chawikan nan nasa taka tan lak ani dawn tih a sawi baw.

Chief Minister Pu Lalduhoma pawhin thu sawiin Mizo thalaite chu thiamthil an ngah a, hengte hi eizawnna tlaka siam zel a pawimawh a ti a, tun dinhmunah Mizoramah PMKVY hnuaiah mi sang 9 chuang an training tih sawiin kutkawih thiamthil zirna chu District hrang hranga awm turin hma an la a ti a, Kolasib, Champhai, Serchhip ah din tura hmalak ani tih a sawi baw.

Pu Lalduhoma chuan sawrkar flagship program Bana Kaih hmangin mi hrang hrang eizawnna bultan duh te tan hmalakna an buatsaih sak a ti a, thalaite chu an eizawnna chauh nilo state leh ram hmasawn nana tha thawh ve turin an duh tih a sawi baw.

He hun hmanah hian hmarchhak biala thalai sang khat te thiam thil tih punna tura thawhdunna MoU chu National Skill Development Cooperation leh Welspun Living Limited ten an inthleng tawn a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.
Vawiin chawhnu dar 2 leh a chanve-ah Chanchinthar puan leh a ni ang.



PM

Prime Minister Narendra Modia chuan health sector lama India tihdan tha leh thiamna te chu khawvel ramdangte zirtir chhawn a inpeih reng tih a sawi. World Health Assembly, Geneva-a neihah Video Conference kaltlanga he thu hi sawiin khawvel ram chhimlam Global South te tan an inhawng leh zual a ti a. Global South te hi hriselna lama harsatna tawh zual ram an nih thu sawiin India chuan a kalphung hlan chhawng turin a inhawng reng a ti a. Khawvel in hriselna lama hmabak eng tak a neih theihna turin mitin huap leh hlawm tha hmathlir leh thawhhona a pawimawh thu a sawi bawh a ni.

Pu Modia chuan World Health Organisation (WHO) chu Inter-governmental Negotiating Body treaty an siam theih avangin a lawmpui thu a sawi bawh a ni

(Newsonair)

<><><>

DELEGATES

Operation Sindoor tlangau puia ram hrang hranga palai turte chuan vawiin atangin an hna an tan dawn a. Political Party tin aiawh awmna palaite awmna zingah Shiv Sena MP Shrikant Shinde kaihhruai palaite chuan vawiin hian UAE, Liberia, Democratic Republic of Congo leh Sierra Leone te an tlawh dawn a. Sawrkar laipui chuan palai pawl pasarih dinin heng pawlte hian India-in firfiaka chetna laka a dinna chiang takin ram hrang hrang an hriattir dawn a ni. Nimin khan Foreign Secretary Vikram Misri chuan Parliament House-ah heng palaite hi sawrkar ngaihdan a hrilhfiaw tawh bawh a ni.

(Newsonair)

<><><>